

Anna Llinàs Rovira, secretària deth Conselh Generau d'Aran,

CERTIFIQUI:

Qu'eth Plen deth Conselh, en session ordinària de 26 d'abriu de 2006, adoptèc, entre d'autí, er acòrd següent era part dispositiva deth quau ditz:

“ 8au.- DAR SUPÒRT, SE PROCEDÍS, ARA SOLLICITUD DE FINANÇAMENT DIRIGIDA AS DEPARTAMENTS D'AGRICULTURA, RAMADERIA E PESCA E DE POLITICA TERRITORIAU E D'ÒBRES PUBLIQUES DERA GENERALITAT DE CATALUNYA ENTARA “MIELHORA DERA PISTA D'ACCÉS ARRES-BOSSOST” E ENTARA “AMPLIACION DETH PÒNT DE BOSSÒST”.-

(...)

Atau e dat qu'enes darrères setmanes eth Conselh Generau d'Aran a rebut era confirmacion qu'eth Departament d'Agricultura, Ramaderia e Pesca dera Generalitat de Catalunya a aprovat (mejançant es Hons PDR) era mielhora dera pista forestau que connècte es pòbles d'Arres e Bossòst.

Dat qu'aguesta inversion -qu'a estat reclamada peth Conselh Generau d'Aran des der an 2004 en diuersi escrits e amassades as responsables deth Departament d'Agricultura-, a un importantissim papèr estrategic pr'amor qu'ei era unica alternatiua d'accès dirècte ath Baish Aran en cas que se produsisqu'un talh ena N-230 e, ath delà, ei ua via d'accès ara importanta massa forestau de Margarida.

Dat que parallèlament ad aquestes negociacions, eth Conselh Generau d'Aran ei dant supòrt ar Ajuntament de Bossòst entara realizacion dera òbra “*Ampliacion e mielhora deth Pònt de Bossòst*”.

Dat qu'eth pressupòst deth projècte dera òbra nomentada “*Ampliacion e mielhora deth Pònt de Bossòst*” ei de quate cents cinquanta sèt mil tres cents trenta tres èuros damb setanta centims (457.333,70 €), des quaus mejançant un Convèni entre era Deputacion de Lleida, eth Conselh Generau d'Aran e er Ajuntament de Bossòst dejà s'an arrenhut cent dus mil èuros (102.000 €) de finançament.

Dada era importancia d'aguesta òbra entà poder accedir a diuersi equipaments deth pòble de Bossòst, e dat eth potenciau creishement qu'eth nau Plan d'Ordenacion Territoriau da ath pòble de Bossòst.

Cossent damb çò expausat e damb eth dictamen favorable dera Comission Informativa Permanenta de Servicis Generaus deth Conselh de 21 d'abriu de 2006, se prepausa ath Plen deth Conselh dar supòrt as sollicituds de finançament as quaus s'an hèt referéncia mès ensús. Un còp sotmetuda era prepausa a votacion e debat, eth Plen deth Conselh *acòrde per unanimitat* des presents:

Prumèr.- Instar a qu'eth Departament d'Agricultura, Ramaderia e Pesca dera Generalitat de Catalunya execute -çò més leù possible- es òbres de mielhora dera pista forestau que connècte es pòbles d'Arrès e Bossòst


Dusau.- Instar ath Departament de Política Territorial e d'Òbres Publiques dera Generalitat de Catalunya entà que concedisque ua subvencion de tres cents cinquanta cinc mil tres cents trenta tres èuros damb setanta centims (355.333,70 €) entara ampliacion deth pònt de Bossòst.

Tresau.- Dar traslat des acòrds anteriors ath Departament d'Agricultura, Ramaderia e Pesa e ath Departament de Política Territorial e d'Òbres Publiques dera Generalitat de Catalunya as efèctes oportuns.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte as efèctes oportuns, signi aguest certificat d'orde e damb eth vist-e-platz deth sindic.

Vielha, 6 de junh de 2006



Vist-e-platz
Eth sindic



Carlos Barrera Sánchez